

P R I L O G

**ZAKONU O PROGLAŠENJU DIJELA PODRUČJA PLANINE KONJUH
ZAŠTIĆENIM PEJZAŽOM „KONJUH“**

**OPIS GRANICA CJELOVITOG ZAŠTIĆENOG PODRUČJA I GRANICA
POJEDINIH ZAŠTIĆENIH ZONA**

Granice zaštićenog područja Zaštićeni pejzaž „Konjuh“ cijelim svojim dijelom opisane su karakterističnim tačkama i oblicima reljefa kao što su: kote, grebeni, vidikovci, kose, zaravni, platoi, kao i granicama pojedinih katastarskih čestica.

Opis granica zaštićenog područja Zaštićeni pejzaž „Konjuh“, kao i njegovih prostornih cjelina (zaštićenih zona), izvršen je temeljem opisanih i katastarskih podataka dostavljenih od strane Službi za imovinsko-geodetske poslove općina: Kladanj, Banovići i Živinice.

1. OPIS VANJSKIH GRANICA „ZAŠTIĆENOG PEJZAŽA-KONJUH“

Granica na području općine Kladanj polazi sa granica političkih općina Kladanj i Banovići, odnosno sa trigonometra; kota 1326 Konjuh. Sa ovog mjesta granica ide u pravcu juga do mjesta zv. „Bijelo brdo“ kota 1191. Na ovom mjestu granica se lomi u pravcu zapada a u pravcu potoka zv. „Miljevića“ do kote 970. Na ovom mjestu granica se lomi i ide u pravcu istoka prema rudničkom naselju Miljević koje je udaljeno oko 350 m. Sa ovog mjesta granica ide u pravcu Glabarica i dalje nastavlja u pravcu juga dolazi do kote 793 i presijeca put kod potoka zv. „Dikanovac“. Na ovom mjestu granica se lomi i ide u pravcu istoka do mjesta zv. „Stan“, a na granici parcela k.č. broj 2332/1 i k.č. 2192. Sa ovog mjesta granica ide u pravcu juga do mjesta zv. „Bare“ parcela k.č. 2332/ i k.č. br. 2192. Granica ide dalje u istom pravcu do kote 782, gdje je ujedno i granica zaštićenih A3 i C2 zona. Sa ovog mjesta granica ide u pravcu izvora Zeleni vir, a na kotu 925. Sa ove kote granica ide na kotu 1008 gdje je ujedno i granica zaštićenih C2 i A4 zona. Granica sa kote 1008 blago povija u pravcu juga presijeca rijeke Katranicu i Srebrenicu u neposrednoj blizini ušća i ide do kote 1109 zv. „Velika crna stijena“. Sa ovog mjesta granica ide u pravcu istoka presijeca put za Milankoviće na malom mostu i rijeku Borovnicu, dolazi do kote 770,5 gdje je ujedno granica zaštićenih A4 i C2 zona. Sa ovog mjesta odnosno ove kote granica ide u pravcu jugoistoka dolazi do kote 874 mjesto zv. „Zagradac“. Granica dalje ide u istom pravcu do parcele k.č. br. 954/1 i k.č. broj 800, gdje je ujedno i granica zaštićena A5 i C2 zona. Na ovom mjestu granica se lomi pod uglom od 270° ide u pravcu juga gdje prosjeca šumski put, a na koti 735 gdje je ujedno i granica zaštićenih C2 i A6 zona. Sa ovog mjesta granica ide u pravcu juga do parcele k.č. br. 954/1 i 807, zatim granicom parcela k.č. br. 812, 814, 824, 825, 832 i 835 K.O. Brateljevići do kote 817, kod bezimenog potoka. Na ovom mjestu granica se blago lomi i ide u pravcu istoka do kote 793, a u neposrednoj blizini puta odnosno velike krivine. Na ovom mjestu granica se lomi pod uglom od 270° i ide u pravcu juga do kote 940, gdje se lomi u pravcu istoka, dolazi do potoka zv. „Bebroštica“. Sa ovog mjesta granica ide u pravcu istoka dolazi do izvora bezimenog potoka. Sa ovog mjesta granica i dalje ide u pravcu istoka do mjesta zv. „Tisovac“ kota 1000. Na ovom mjestu granica se lomi pod uglom od 290° ide u pravcu sjevera do kote 976 i kote 975,5 a prema koti 958,2, odnosno prema izvorima zv. „Laze“ i „Mali lug“ kota 800. Sa ovog mjesta granica dalje ide u pravcu sjevera do potoka zv. „Negajski potok“ gdje je ujedno i granica zaštićenih A6 i C2 zona. Sa ovog mjesta granica se odvija u pravcu istoka do kote 896 a u pravcu kote 943, odnosno mjesta zv. „Vis“ iznad sela Brateljevići.

Sa ovog mjesta granica ide u pravcu istoka do kote 796,3 m. Na ovom mjestu granica se lomi i ide u pravcu juga i dolazi do kote 843 m i mjesto zv. „Radova sela“. Na ovom mjestu granica se odvaja u pravcu istoka i dolazi do kote 1106 zv. „Garež“, obuhvatajući slivno područje Gluhe Bukovice izlazeći južno na kotu 1061 m („Karaula“). Sa ove kote se vraća pod ostrim uglom u pravcu sjeveroistoka na kotu 892 m.

Granica ide dalje u pravcu sjevera šumskim putem do kote 890,5 (lovačka kuća). Dalje granica ide u istom pravcu do kote 854 mjesto zv. „Okretaljka“. Granica dalje nastavlja u istom pravcu do kote 915. Na ovom mjestu granica kreće u pravcu zapada i to granicom parcela 746, 745, 744 K.O. Brateljevići, koje su van zaštićenog područja i parcela 749, 750, 751 i 752 K.O. Brateljevići koje su unutar zaštićenog područja, a na koti 936,3. Granica dalje ide u istom pravcu granicom parcela 753, koja je van zaštićenog područja i parcela broj 754, 756, koje su unutar zaštićenog područja i dolazi do puta koji vodi do Djevojačke pećine, a na parceli 774 K.O. Brateljevići.

Na ovom mjestu granica se lomi i ide u pravcu sjevera i to putem za selo Brateljeviće, dolazi do raskršća puteva iznad igrališta koje je ujedno i granica zaštićenih A7 i C2 područja. Sa ovog raskršća granica ide putem u pravcu mosta pored džamije.

Granica prelazi most i ide putem za Kladanj, a iznad osnovne škole gdje se odvaja u pravcu zapada i to granicom parcela broj 504, koja je van zaštićenog područja i parcele broj 443/1 koja je unutar zaštićenog područja i parcele broj 417/1 koja je van zaštićenog područja.

Granica se na ovom mjestu odvaja u pravcu zapada i ide granicom parcela broj 418, 422, 424, koje su unutar zaštićenog područja i parcela broj 417/1, 414, 415, 423, 403 i 402 koje su van zaštićenog područja, gdje presijeca stari put za selo Zagrađe i parcele broj 401 K.O. Brateljevići.

Sa ovog mjesta granica ide u pravcu zapada i dolazi na krš iznad tunela na kotu 859. Granica dalje ide u pravcu Paučkih luka i dolazi do kote 770, koja se nalazi u neposrednoj blizini potoka zv. „Zapaučki potok“ gdje je ujedno i granica C2 i B zaštićenih zona. Na ovom mjestu granica se odvaja u pravcu sjevera i dolazi do kote 869. Dalje ide u istom pravcu preko kote 1058 zv. „Pločno brdo“ i na kotu 1053 koja se nalazi u neposrednoj blizini izvorišta zv. „Alina voda“. Sa ove kote granica ide šumskim putem preko kote 1015 i prolazi preko mjesta zv. „Borovača“ i dolazi do kote 1102 mjesto zv. „Golo brdo“. Granica dalje ide u pravcu sjevera i kote 1137 zv. „Bukovci“ i dolazi na šumski put. Na ovom mjestu granica se odvaja u pravcu istoka i prelazi preko kote 908 i kote 1 080 i dolazi do raskršća puteva iznad mjesta zv. „Crveni krš“, granica sa ovog mjesta ide putem prema selu Brdijelji gdje se i odvaja u pravcu sjevera prema koti 1207 zv. „Bandera“.

Sa ovog raskršća puteva granica se odvaja u pravcu zapada prema koti 1194 gdje zaobilazi parcele zv. „Javorje“ koje ostaje unutar zaštićenog područja. Sa ove kote granica blago povija u pravcu juga, ide putem i dolazi do kote 954. Granica dalje ide na kotu 941, prolazi kroz mjesto zv. „Miljkovac“, i na kotu 977, ide do raskršća gdje je ujedno granica A2 i B zaštićenog područja.

Granica ide dalje prema sjeverozapadu područjem općine Živinice na lokalitet spomenika „Pejo Marković“, zatim na kotu 917 m (Omarići), kotu 893 m (Zalom), zatim se granica blago lomi i ide niz padinu, potom nastavlja vrhovima Jelova glava prema rijeci Oskovi, idući paralelno sa vodotokom Pasji do. Spajajući se sa Oskovom granica nastavlja ovim vodotokom do lokaliteta Hrvatska brana.

Granica zaštićenog područja na području općine Banovići počinje na koti Konjuh 11326 tj. na tromeđi općina Banovići, Olovo i Kladanj. Granica ove zone od ove kote ide granicom političkih općina Banovići (sa desne strane) i općine Olovo (sa lijeve strane) sjeverozapada u dužini od oko 5000 m i dolazi na kotu Ravni bor 1104.

Od ove kote granica zone A1 skreće u pravcu sjevera šumskom stazom do kote Ploča u dužini od 1400 m. Od kote Ploča granica produžava u pravcu sjeveroistoka gredom do kote Kalem tj. 996 u dužini od 1000 m, sa kote Kalem pada potok Višnjik u pravcu sjeveroistoka u dužini 250 m zatim produžava uz gredu do kote Veliki Zelenboj 1053 u dužini od 600 m sa kote Veliki Zelenboj u pravcu sjeveroistoka gredom prema Konjskoj ravni granica produžava u dužini od 500 m zatim skreće jugoistočno u Botića potok zatim produžava nizvodno Botića potokom do ušća bezimenog potoka ispod Tanke kose u dužini od 1800 m. Od ovog ušća uz gredu prema koti 793 zv. „Kobilica“ granica produžava u pravcu istoka u dužini 500 m sa ove kote granica se skreće u pravcu juga ide gredom do raskršća staza Kobilica, Mačkovaka kosa u dužini od 20 m zatim skreće u pravcu istoka stazom niz Mačkovačku kosu u dužini od 1500 m do granice sa zonom C1 gdje se nalazi uzvišenje.

Od ovog uzvišenja skreće prema sjeveru do ušća bezimenog potoka u Gradinski potok. Zatim nastavlja uzvodno Gradinskim potokom u dužini od 400 metara, skreće u pravcu sjeveroistoka uz stranu izlazi na stazu Gradinska greda, zatim produžava pomenutom gredom do raskršća staza Gradinska greda i Babina greda u dužini 800 metara. Granica skreće u pravcu sjeveroistoka stazom prema uzvišenju Vitlić u dužini od 400 metara, zatim pravolinijski produžava do tromeđe parcela 1832, 1840 i 1841 K.O. Repnik u dužini od 600 metara.

Od ove tromeđe parcela granica područja ide granicom parcele 1832 koja se nalazi sa lijeve strane i parcela 1840, 1839 i 1834 sa desne strane obuhvatajući iste, izbija na tromeđu parcela broj: 1832, 1834 i 1833, zatim ide granicom parcele 1833 koju ne obuhvata i parcela 1834 i 1836, te izlazi na Oskovu na lokalitet Hrvatska brana.

2. OPIS GRANICA POJEDINIHZ AŠTIĆENIH ZONA

2.1. Opis granica zaštićene zone A

Zaštićena zona A sastoji se od 7 prostornih cjelina međusobno nepovezanih i to **A1, A2, A3, A4, A5, A6 i A7.**

2.1.1. Opis granica prostorne cjeline A1

Prostorna cjelina A1, na području Banovića počinje na koti Konjuh 1326 tj. na tromeđi općina Banovići, Olovo i Kladanj. Granica ove zone od ove kote ide

granicom političkih općina Banovići (sa desne strane) i općine Olovo (sa lijeve strane) sjeverozapada u dužini od oko 5000 m i dolazi na kotu Ravni bor 1104.

Od ove kote granica zone A1 skreće u pravcu sjevera šumskom stazom do kote Ploča u dužini od 1400 m. Od kote Ploča granica produžava u pravcu sjeveroistoka gredom do kote Kalem tj. 996 u dužini od 1000 m, sa kote Kalem pada potok Višnjik u pravcu sjeveroistoka u dužini 250 m zatim produžava uz gredu do kote Veliki Zelembaj 1053 u dužini od 600 m sa kote Veliki Zelembaj u pravcu sjeveroistoka gredom prema Konjskoj ravni granica produžava u dužini od 500 m zatim skreće jugoistočno u Botića potok zatim produžava nizvodno Botića potokom do ušća bezimenog potoka ispod Tanke kose u dužini od 1800 m. Od ovog ušća uz gredu prema koti 793 zv. „Kobilica“ granica produžava u pravcu istoka u dužini od 500 m. Sa ove kote granica se skreće u pravcu juga ide gredom do raskršća staza Kobilica, Mačkovačka kosa u dužini od 200 m zatim skreće u pravcu istoka stazom niz Mačkovačku kosu u dužini od 1500 m do granice sa zonom C1 gdje se nalazi uzvišenje.

Od ovog uzvišenja granica ide sa zone C1 niz gredu u dužini 600 m i spušta se na ušće Mačkovačkog potoka u potok Oskova na četveromeđu zona A1, A2, B i C1.

Granična linija zone A1 sa zonom B od četveromeđa zone A1, B i C1 i A2 skreće u pravcu zapada i ide uzvodno potokom Mačkovac u dužini od 1000 m zatim skreće u pravcu jugozapada ide uz gredu prema uzvišenju Stolica tj. koti 748.

Sa ove kote granica zone A1 sa zonom B spušta se stazom niz gredu prema potoku Velika Zlaća u pravcu jugoistoka u dužini 850 m.

Granica se spušta nizvodno potokom Velika Zlaća u pravcu istoka do ušća sa potokom Mala Zlaća u dužini od 650 m, od ovog ušća potoka granica skreće u pravcu juga u pravcu Zobika ide uzvodno potokom Mala Zlaća do kote 467 ispod Varde u dužini od 850 m, zatim produžava uz Vardu pješačkom stazom do kote zv. „Varda“ 793 u dužini od 1050 m.

Od kote 793 granica ide u pravcu jugoistoka pješačkom stazom tj. gredom na Vinkovačku kosu u dužini od 850 m, zatim skreće sjeveroistočnom gredom u dužini 250 m na kotu 899.

Od ove kote niz gredu granica skreće u pravcu istoka prema potoku Skakavac tj. na granicu političkih općina Banovići i Kladanj i granica zone A1 i B zone.

Granica zone A1 ide uzvodno potokom Skakavac koji je ujedno i granica političkih općina Banovići i Kladanj u pravcu jugozapada do kote 1 191 Mali Konjuh gdje se ponovo veže sa zonom B.

Granica između zone A1 i zone B produžava od ove kote granicom političkih općina Banovići i Kladanj i izlazi na kotu 1326 Konjuh obuhvatajući parcelu broj 1908 K.O. Repnik gdje se i završava opis zone A1.

Granica A1 na općini Kladanj počinje na koti 1191 zv. „Mali Konjuh“ i ide u pravcu istoka šumskim putem do kote 1117 zv. „Plosno brdo“, nastavlja putem do kote 1121 zv. „Konjušćić“ gdje se odvaja u pravcu sjevera do kote 966 i na kotu 948. Sa ove

kote ide Krabanjskim kršom u mjestu zv. „Palučak“, dolazi do ušća potoka zv. „Krabašnjica-Skakavac“. Dalje se lomi pod uglom 90° ide na potok zv. „Skakavac“ do kote 649 i dalje nastavlja prema koti 1191 zv. „Mali Konjuh“ gdje se i završava.

2.1.2. Opis granica prostorne cjeline A2

Ova prostorna cjelina prostorno je određena kotama i to 977 m, (Trošni kamen), 917 m, 893 m, 832 m, 837 m, 852 m i na kraju završava na koti 977 m, (Trošni kamen), odakle je i počela.

2.1.3. Opis granica prostorne cjeline A3

Granica polazi sa kote 799, a pored potoka Rapatnica i ide u pravcu zapada do kote 900, na ovom mjestu se lomi i ide u pravcu juga mjesta zv. „Gornji stan“, a na kotu 835. Sa ove kote granica ide u pravcu rudničkog naselja, a do granice parcela broj 2174/1 i parcela 2184 k.č. Tuholj.

Dalje se odvaja u pravcu zapada gdje presijeca rijeku Drinjaču i put Rudnik-M. voda pored samog izvora i dolazi do kote 890. Na ovom mjestu granica se odvaja u pravcu juga presijeca šumski put i potok zv. „Dikanovac“ a na koti 793. Granica se dalje lomi u pravcu istoka u mjestu zv. „Stan“, a na granici parcela broj 2332/1 i 2192 K.O. Tuholj. Sa ovog mjesta granica ide u pravcu juga na mjesto zv. „Bare“ parcela broj 2332/1 i broj 2330 K.O. Tuholj, dalje nastavlja u istom pravcu do kote 782, koja je ujedno i granica zaštićenih područja A3 i C2 zona. Dalje se lomi pod uglom od 90° u pravcu istoka gdje presijeca rijeku Drinjaču i put Konjuh-M. voda, dolazi do parcele 2319 K.O. Tuholj, mjesto zv. „Luka“, dalje granica nastavlja u pravcu sjevera pored parcela broj 2198, 2200, 2201 K.O. Tuholj, koje su unutar zone. Granica dalje nastavlja u istom pravcu do kote 799 pored potoka zv. „Rapatnica“, gdje je i počela.

2.1.4. Opis granica prostorne cjeline A4

Granica polazi sa kote 1008 gdje blago povija u pravcu juga i presijeca rijeku Katranicu i Srebrenicu, a u neposrednoj blizini ušća ove dvije rijeke, i ide do kote 1109 zv. „Velika crna stijena“. Sa ovog mjesta granica ide u pravcu istoka, presijeca put za selo Milankovići na malom mostu i rijeku Borovnica i dolazi od kote 770,5 gdje je ujedno i granica zaštićenih A4 i C2 zona. Sa ovog mjesta granica ide u pravcu sjevera i dolazi do kote 732,7 (mali kamenolom). Granica dalje ide u istom pravcu, presijeca rijeku Srebrenica, šumski put iznad Hotela Konjuh na koti 750. Sa ovog mjesta granica se odvaja u pravcu sjevera i dolazi na kotu 1008 odakle je i počela.

2.1.5. Opis granica prostorne cjeline A5

Granica polazi sa kote 775 i ide u pravcu jugoistoka i dolazi do kote 874, mjesto zv. „Zagradac“. Granica dalje ide u istom pravcu do parcele broj 954/1 i 800, gdje je ujedno i granica zaštićenih zona A5 i C2. Na ovom mjestu granica se lomi pod uglom

od 50° i ide u pravcu sjeverozapada gdje obilazi do mjesta zv. „Zagradac“ i dolazi na kotu 775 odakle je i počela.

2.1.6. Opis granica prostorne cjeline A6

Granica polazi sa kote 735 ide u pravcu juga do parcela 954/1 i 807, a zatim granicom parcela broj 812, 814, 824, 825, 832 i 835 K.O. Brateljevići, koje su van zaštićene zone, a do kote 817 koja se nalazi kod bezimenog potoka.

Na ovom mjestu granica se blago lomi i ide u pravcu istoka do kote 793 u neposrednoj blizini puta odnosno velike krivine. Na ovom mjestu granica se lomi pod uglom od 270° ide u pravcu juga do kote 940 gdje se lomi u pravcu istoka i dolazi do u potok zv. „Bebrošnica“. Sa ovog mjesta granica ide u pravcu istoka i dolazi do izvora bezimenog potoka. Sa ovog mjesta granica ide u pravcu istoka do mjesta zv. „Tisovica“ kota 1000. Na ovom mjestu granica se lomi pod uglom od 270° ide u pravcu sjevera do kote 976 i kote 975,5 a prema koti 958,2, odnosno prema izvorima zv. „Laze“ i „Mali lug“ kota 800 sa ovog mjesta granica dalje ide u pravcu sjevera do potoka zv. „Negajski potok“ gdje je ujedno i granica zaštićenih zona C2 i A6. Sa ovog mjesta granica se odvaja u pravcu sjevera do kote 735 gdje se i završava.

2.1.7. Opis granica prostorne cjeline A7

Granica polazi sa kote 943 zv. „Vis“ iznad sela Brateljevići i ide u pravcu istoka do kote 796,3. Na ovom mjestu granica se lomi i ide u pravcu juga i dolazi do kote 843 i mjesta zv. „Radova sela“, na ovom mjestu granica se odvaja u pravcu istoka i dolazi do kote 1106 zv. „Garež“.

Sa ove kote granica ide južno na kotu 1061 m (Karaula), obuhvatajući slivno područje vodotoka Gluha Bukovica, zatim se naglo lomi pod ostrim uglom skrećući prema sjeveru na kotu 892. Dalje granica ide u istom pravcu do kote 854 mjesto zv. „Okretaljka“, granica dalje nastavlja u istom pravcu do kote 915. Na ovom mjestu granica skreće u pravcu zapada i to granicom parcela broj 746, 745, 744 K.O. Brateljevići koje su van zaštićenog područja, a na koti 936,3. Granica dalje ide u istom pravcu granicom parcela broj 753 koja je van zaštićenog područja i parcela 754, 756 koje su unutar zaštićenog područja i dolazi do puta koji vodi do Djevojačke pećine, a na parceli 744 K.O. Brateljevići.

Na ovom mjestu granica se lomi i ide u pravcu sjevera i to putem za selo Brateljevići i dolazi do raskršća puteva iznad igrališta, koje je ujedno granica zaštićenih A7 i C2 zona. Sa ovog raskršća granica se odvaja uzvodno rijekom Drinjačom dolazi do kote 675,6. Na ovom mjestu granica se odvaja u pravcu juga i dolazi na kotu 765 (šumski put). Sa ovog mjesta granica se lomi po uglom od 100° i ide u pravcu juga do kote 775 koja je ujedno i granica zaštićenih C2 i A7 zona. Sa ove kote granica ide na kotu 896. Dalje produžava u pravcu istoka do kote 943 zv. „Vis“ gdje se i završava.

2.2. Opis granica zaštićene zone B

Zaštićena zona B čini jednu prostornu cjelinu.

Opis granične linije zone B na području općine Banovići počinje na četveromeđi zona B, A1, C1 i A2. tj. na ušću potoka Oskova i Mačkovačkog potoka. Granična linija zone B sa zonom A1 ide u pravcu zapada ide uzvodno potokom Mačkovac u dužini od 1000 m zatim skreće u pravcu jugozapada ide uz gredu prema uzvišenju Stolica tj. koti 748, sa ove kote granica zone B sa zonom A1 spušta se stazom niz gredu prema potoku Velika Zlaća u pravcu jugoistoka u dužini 850 m.

Granica se dalje spušta nizvodno potokom Velika Zlaća u pravcu istoka do ušća sa potokom Mala Zlaća u dužini od 650 m, od ovog ušća potoka granica skreće u pravcu juga u pravcu Zobiuka ide uzvodno potokom Mala Zlaća do kote 467 ispod Varde u dužini od 850 m, zatim produžava uz Vardu pješačkom stazom do kote zv. „Varda“ 793 u dužini 1050 m.

Od kote 793 granica ide u pravcu jugoistoka pješačkom stazom tj. gredom na Vinkovačku kosu u dužini od 850 m zatim skreće sjeveroistočno gredom u dužini od 250 m na kotu 899, od ove kote niz gredu granice skreće u pravcu istoka, prema potoku Skakavac tj. na granicu političkih općina Banovići i Kladanj.

Granica nastavlja nizvodno potokom Skakavac tj. granicom političkih općina Banovići i Kladanj dolazi do potoka Krabanja zatim nastavlja nizvodno potokom Krabanja do njenog ušća u potok Oskova. Zatim nastavlja potokom Oskova do ušća sa potokom Studešnica, gdje se nalazi tromeđa općina Banovići, Kladanj i Živinice i izbija na zonu A2.

Granična linija između zone B i zone A2 ide nizvodno potokom Oskova tj. granicom općina Banovići i Živinice do ušća potoka Oskova i Mačkovačkog potoka gdje se i završava opis granične linije zone B.

Na području općine Kladanj granica polazi sa kote 770, koja se nalazi u neposrednoj blizini potoka zv. „Zapaučki potok“ i ide u pravcu sjevera do kote 869. Dalje nastavlja u istom pravcu preko kote 1058 zv. „Plosno brdo“ a na kotu 1053 koja se nalazi u neposrednoj blizini izvorišta Alina voda. Dalje ide šumskim putem preko kote 1015 i prolazi kroz mjesto zv. „Borovača“ i dolazi do kote 1102 mjesto zv. „Golo brdo“. Granica dalje ide u pravcu sjevera i kote 1137 zv. „Bukovci“ i dolazi na šumski put. Na ovom mjestu granica se odvaja u pravcu istoka i prelazi preko kote 908 i kote 1080 i dolazi do raskršća puteva iznad mjesta zv. „Crveni krš“. Granica sa ovog mjesta ide putem prema selu Brdijelji mjesto zv. „Kuman“ gdje se odvaja u pravcu sjevera postojećim šumskim putem a prema koti 1207 zv. „Bandera“. Sa ovog raskršća puteva granica se odvaja prema zapadu koti 1194 gdje zaoblazi parcele zv. „Javorje“ koje ostaje unutar zaštićenog područja. Granica blago povija u pravcu juga ide putem i dolazi do kote 954. Granica dalje ide na kotu 941 prolazi kroz mjesto zv. „Miljkovac“ i na kotu 977, ide do raskršća gdje je ujedno granica A2 i B Kladanj zaštićenog područja. Granica se na raskršću odvaja u pravcu zapada, ide putem ispod kote 852 a na kotu 837. Granica dalje nastavlja putem do kote 718 sa ove kote granica dalje nastavlja putem i dolazi do rijeke Oskove gdje je ujedno i granica zaštićenog

područja B Kladanj i A2 zone. Sa ovog mjesta granica se lomi u pravcu juga uzvodno rijekom Krabanjom do ušća potoka Skakavac i Krabašnjica. Dalje nastavlja uzvodno potokom Krabašnjica gdje se odvaja uz Krabanjski krš prema koti 948 i 966. Sa kote 966 granica ide na kotu 1121 zv. „Konjušćić“ dalje ide u pravcu zapada šumskim putem prema koti 1117 zv. „Plosno brdo“. Dalje nastavlja istim pravcem i to putem dolazi na kotu 1191 zv. „Mali Konjuh“ gdje se lomi u pravcu juga ide na kotu 1326 zv. „Konjuh“. Sa ove kote se blago povija prema koti 1191 zv. „Bijelo brdo“ gdje se granica lomi u pravcu zapada a prema potoku zv. „Miljevica“ do kote 970 gdje se lomi i ide u pravcu istoka prema rudničnom naselju koje je udaljeno za cca 350 m. Sa ovog mjesta granica ide u pravcu Glabarica do kote 890 koja je ujedno i granica zaštićenog područja B Kladanj A3 zone. Granica se lomi pod uglom od 90° i ide u pravcu istoka dolazi do granice parcela broj 2174/17 2184 K.O. Tuholj. Dalje nastavlja u istom pravcu do mjesta zv. „Gornji stan“ a na koti 835 gdje se granica lomi u pravcu sjevera a na koti 900. Sa ove kote se odvaja u pravcu istoka a prema potoku Rapatnica na kotu 799. Na ovom mjestu granica ide u pravcu juga prolazi granicom parcela broj 2201, 2200, 2198 K.O. Tuholj koje je unutar zaštićene zone i prelazi potok Budim, dolazi do Rastoke u neposrednoj blizini mosta. Granica i dalje ide u istom pravcu dolazi do mjesta zv. „Luka“ a na parceli 2319 K.O. Tuholj, koja je ujedno i granica zaštićenog područja zone A3, C2 i B. Dalje nastavlja u pravcu sjevera prelazi Osojski potok a na kotu 730 gdje nastavlja u pravcu Žednog brda kotu 833. Dalje nastavlja u istom pravcu ispod jezera Gorsko oko gdje se blago povija i dolazi na kotu 770, a koja se nalazi u blizini Zapaučkog potoka odakle je i počela.

2.3. Opis granica zaštićene zone C

Zaštićena zona C je podijeljena na dvije prostorne cjeline: C1 i C2.

2.3.1. Opis granica prostorne cjeline C1

Opis zone C1 počinje na četveromeđi zona C1, A1, A2 i B1 koja se nalazi na ušću potoka Oskova i Mačkovac.

Granica između zona C1 i A1 ide gredom Mačkovačka kosa na uzvišenje u pravcu sjeverozapada u dužini od 600 m od ovog uzvišenja granica skreće u pravcu sjevera i spušta se do ušća potoka Gradinski potok i bezimeni potok u dužini od 350 m, zatim nastavlja uzvodno Gradinskim potokom u dužini od 400 m, skreće u pravcu sjeveroistoka uz stranu u dužini od 175 m izlazi na stazu Gradinske grede zatim produžava pomenutom gredom do raskršća staza Gradinska greda, Babina greda u dužini od 800 m.

Granica skreće u pravcu sjeveroistoka stazom prema uzvišenju Vitlić u dužini od 400 m zatim pravolinijski produžava do tromeđe parcele 1832, 1840 i 1841 K.O. Repnik u dužini od 600 m.

Od ove tromeđe parcela granica zone C1 ide granicom parcela 1832 koja se nalazi sa lijeve strane i parcela 1840, 1839 i 1834 sa desne strane obuhvatajući iste, izbija na tromeđu parcela broj: 1832, 1834 i 1833 zaatim ide granicom parcela 1833 koju ne obuhvata i parcele 1834 i 1836 i izlazi na potok Oskovu.

U pravcu jugoistoka granica ide uzvodno potokom Oskova koja je ujedno i granica političkih općina Banovići i Živinice do ušća potoka Mačkovac i potoka Oskova gdje se i završava opis zone C1.

2.3.2. Opis granica prostorne cjeline C2

Granica počinje sa raskršća puteva iznad igrališta u selu Brateljevići i ide u pravcu sjevera i prelazi most pored džamije putem za Kladanj, a iznad osnovne škole gdje se odvaja u pravcu zapada i to granicom parcela broj 504 koja je van zaštićenog područja i parcele broj 443/1 K.O. Brateljevići koja je unutar zaštićenog područja, izlazi na put Kladanj-M. voda gdje ga i presijeca. Na ovom mjestu nastavlja putem Kladanj-M. voda u pravcu sjevera do granice parcela broj 418 K.O. Brateljevići koja je unutar zaštićenog područja i parcele broj 417/1 koja je van zaštićenog područja, granica na ovom mjestu se odvaja u pravcu zapada ide granicom parcela broj 418, 422, 424, koje su unutar zaštićenog područja i parcela broj 417/1, 414, 415, 423, 403, 402, koje su van zaštićenog područja gdje presijeca stari put za selo Zagrađe. Dalje ide u pravcu zapada dolazi na krš iznad tunela na kotu 859 gdje produžava u pravcu Paučkih luka dolazi do kote 770, a koja se nalazi u neposrednoj blizini potoka zv. „Zapaučki potok“, gdje je ujedno i granica C2 i B Kladanj zaštićenih zona. Sa ovog mjesta granica se blago lomi u pravcu sjevera a ispod jezera zv. „Gorsko oko“ dolazi na kotu 833 zv. „Žedno brdo“.

Dalje nastavlja u istom pravcu dolazi do potoka zv. „Osojski potok“ a na kotu 730. Granica dalje ide u istom pravcu do mjesta zv. „Luka“ parcela broj 2319 K.O. Tuholj, gdje je ujedno i granica zaštićenih zona B, A3 i C2. Na ovom mjestu granica se lomi pod uglom od 90° ide u pravcu zapada gdje presijeca rijeku Drinjaču i put Kladanj-M. voda, odlazi na kotu 782 koja je ujedno i granica A3 i C2 zaštićenih zona. Dalje ide u pravcu izvora zv. „Zeleni vir“ a na kotu 925 sa ove kote granica ide na kotu 1008 gdje je ujedno i granica zaštićenih A4 i C2 zona. Dalje nastavlja u pravcu sjevera presijeca rijeku Srebrenicu i šumski put iznad hotela Konjuh na koti 750, ide u pravcu istoka sa kote 732,7 (mali kamenolom).

Dalje nastavlja u istom pravcu presijeca rijeku Borovnicu i dolazi na kotu 770,5 gdje je ujedno i granica zaštićenih C2 i A4 zona. Nastavlja u istom pravcu do kote 775 koja je granica C2 i A5 zona. Sa ovog mjesta granica se lomi pod uglom od 130° stepeni, gdje obilazi mjesto zv. „Zagradac“ dolazi od parcela broj 954/1 i broj 800, koja pripada C2 zoni. Granica se lomi pod uglom od 210° u pravcu juga gdje presijeca šumski put, a na koti 735 gdje je ujedno i granica zaštićenih C2 i A6 zona. Granica se lomi pod uglom od 100°, ide u pravcu istoka presijeca potok Bebrošnica i put za Bebrovsku pećinu na samom mostu do kote 725, na potoku zv. „Negajski potok“ a na granici A6 i C2 zone. Granica dalje ide u pravcu istoka do kote 775 gdje je granica C2 i A7 zona. Granica se lomi pod uglom od 90° ide u pravcu sjevera kote 765 (šumski put). Na ovom mjestu granica se odvaja u pravcu sjeveroistoka i pravcu kote 675,6 u neposrednoj blizini Bebravskog mosta.

Dalje granica nastavlja nizbrdo rijekom Drinjača do zgrade šumarstva u selu Brateljevići, gdje se odvaja starom prugom i dolazi od raskršća puteva iznad igrališta odakle je i počela.